

亥 23

18-343

六科準繩

中醫 4
011 / 1-72



傷寒準繩卷五

金壇王肯堂輯

瘦樵程永培校

合病併病汗下吐後等病

〔表裏合病必下利〕太陽〔汗〕與陽明合病必自下利葛根湯主之不下利但嘔者葛根加半夏湯主之〔太陽〕

與少陽合病自下利者與黃芩湯若嘔者黃芩加半夏湯生薑湯主之陽明與少陽合病必下利脈滑而數者有宿

食也當下之宜大承氣湯

俱詳下利

〔併病二陽〕併病太陽出汗不微因轉屬陽明自汗不惡寒太陽證不罷面赤躁煩短氣者更發汗則愈二

陽〔下〕併病太陽證罷潮熱譫語者下之則愈

論見諸語

太陽〔利〕少陽併病項強眩冒心下鞭如結胸者刺胸俞

論見俞項強

合併病

合併兩經俱病併則一經證罷而併歸於一經也太陽與陽明合病有三證其邪湊有淺深之殊故用藥有汗下和

解之異治見各條三陽合病有二證其一證用白虎湯其一證無治法後人用小柴胡白虎之類蓋此二證俱有三

陽之候故不可汗下二陽併病有二證表未解者汗之表已解有裏證者下之太陽與少陽併病有三證其一由誤

下以致心下鞭成結胸其一項強如柔痙狀心下鞭如結胸刺肺俞肝俞慎勿發汗汗則譫語不止宜刺期門其一

心下鞭項強而眩者刺大椎肺俞不宜下也

〔合病〕太陽〔汗〕與陽明合病胸滿而喘者不可下麻黃湯太陽〔解肌〕與陽明合病自下利葛根湯不下利但

嘔者葛根加半夏或曰由太陽表未罷而陽明裏又至兩陽合病熱甚於表乘虛漸攻於裏故下也其不下利而嘔

鼻乾也脈浮大太陽受病也長者陽者氣雖攻裏未入於胃但氣逆而嘔故加半夏以止嘔逆龐氏曰外證必頭痛脈熱目赤

明也頭脹太陽也肌目鼻陽明也

傷寒



太陽與少陽合病自下利者與黃芩湯若嘔者黃芩加半夏湯或曰此表實裏虛熱入攻裏故自下利若無痰飲則嘔也

陽明少陽合病必下利脈長者為順脈弦者為負負者尅賊也脈滑而數者有宿食大承氣湯或曰陽明土少陽木其脈弦者木乘土也

不弦者不負也負者必死若滑而數者有宿食非負也攻宜下

三陽合病腹滿身重難以轉側口不仁面垢譫語遺尿不可汗下若自汗者白虎湯 三陽合病脈浮大是關上但

欲眠目合則汗小柴胡白虎湯或曰此二證俱有三陽之證此不可汗下

併病二陽解肌併病太陽初得時汗之不徹轉屬陽明續自微汗不惡寒大柴胡湯 若太陽證不能不可下

可少發汗設面色緣緣正赤陽氣怫鬱在表汗之不徹其人煩躁短氣不知痛處宜更發汗則愈葛根湯 二陽併

併病太陽證罷潮熱手足汗大便難譫語者大承氣湯 太陽少陽併病反下之成結胸心下鞭下利不止水漿不

下心煩生薑瀉心湯小陷胸湯 太陽刺與少陽併項強痛或眩冒時如結胸心下痞鞭刺大椎第一間肺俞肝

俞不可汗汗則譫語不止刺期門 太陽少陽併病心下鞭項強而眩者刺大椎肺俞慎勿下

趙愚嘗疑合病併病之難明也久矣姑釋之蓋合病者二陽經或三經同受病之病不傳者也併病者一陽經

先受病又過一經病之傳者也且如太陽陽明併病一證若併而未盡是傳未通尚有表證仲景所謂太陽證不

罷面色赤陽氣怫鬱在表不得越煩躁氣短是也猶當汗之以各半湯若併之已盡是謂傳過仲景所謂太陽證

罷潮熱手足汗出大便鞭而譫語者是也法當下之以承氣湯是知傳則入府不傳則不入府所以仲景論太陽

陽明合病止出三證如前太陽陽明併病則言其有傳變如此也又如陽經互相合病皆自下利仲景於太陽陽

明合病則主以葛根湯太陽少陽合病主以黃芩湯少陽陽明合病主以承氣湯至於太陽少陽併病其證頭項

強痛眩冒如結胸心下痞鞭當刺大椎肺俞肝俞不可汗下太陽陽明併病已見上論但三陽合病仲景無背惡

寒語句雖別有口燥渴心煩背微惡寒者乃屬太陽證而非三陽合病也活人言三陽合病背惡寒者非也三陽

若與三陰合病即是兩感所以三陰無合病例也

張夫併者乃惟併贅併之義非吞併相就之理然惟併係去聲吞併之併乃上聲史記曰始皇初併天下即此理也夫併之理乃前病未解後病已至有通相併之義故曰併病也經曰太陽與少陽併病頭項強痛或眩冒云云如果併作一家則仲景不具兩經之證而言也其非併字明矣

又曰或云三陽合病有大陽陽明有正陽陽明有少陽陽明似乎重出予曰各有所指不過表裏之分耳夫三陽合病在表三陽陽明病在裏事在兩途即非重出在表者宜解散以痊安在裏者非攻下則不可然表裏證治迥各不同惟編目有似乎重出

發汗後不解

傷寒初感始以太陽故以發汗為首汗行如雨散雲其病乃愈倘汗行不解者或表邪未盡或熱邪傳裏或邪氣收乘虛內客故有汗後而不解者

發汗病不解反惡寒虛也芍藥甘草附子湯 太陽病發熱汗不解仍發熱心下悸振振欲墜地直武湯 發汗後身疼痛脈沉者桂枝加芍藥人參新加湯 太陽發汗遂漏不止其人惡風小便難四肢拘急難以屈伸桂枝加附子湯 大汗出熱不去內拘急四肢疼下利惡寒四逆湯 發汗過多冒心心下悸欲得按桂枝甘草湯 汗後腹脹滿厚朴生薑人參湯 太陽病發汗後大汗出胃中乾燥不得眠欲飲水者少少與之則愈若脈浮小便不利微熱消渴者五苓散 發汗已脈浮數煩渴五苓散 服桂枝湯脈洪大與桂枝湯如前法若形如瘧日再發汗出必解麻黃湯 發熱汗出不解心中痞鞭嘔吐不和大柴胡湯 服桂枝湯大汗出大煩渴不解脈洪大白虎加入參湯 發汗後臍下悸欲作奔豚茯苓桂枝甘草大棗湯 發汗後不惡寒但惡熱蒸蒸發熱者實也調胃承氣湯 發汗後不可更行桂枝汗出而喘無大熱者麻黃杏仁甘草湯



下後不解

去傷寒之邪不過汗吐下之三法也三法得當病勢易衰則愈矣三法失宜病勢危惡傳變不已誠可慮也況發汗吐下後邪氣乘虛而未散或壅塞而未盡則當量其虛實以治之先賢謂知邪氣之虛實發汗吐下之不差溫補針灸之適當則萬全之功可得矣若過經者以六日傳六經七日為一候若不愈十三日乃再傳經盡所以謂之過經也傷寒五六日大下後身熱不去心中結痛未欲解也梔子豉湯下後心煩腹滿卧起不安梔子厚朴湯陽明病下之心下懊懣而煩梔子豉湯若有燥屎者大承氣湯太陽病下後脈促胸滿桂枝去芍藥湯微惡寒者去芍藥方中加附子醫以丸藥下之身熱不去微煩梔子乾薑湯太陽病桂枝證醫反下之利遂不止脈促者表未解喘而汗出者葛根黃連黃芩湯服桂枝湯或下之仍頭痛項強無汗翕翕發熱心下滿微痛小便不利桂枝去桂加茯苓白朮湯太陽病過經十餘日二三下之嘔不止心中微煩大柴胡湯下之六七日大下後寸脈沉而遲手足厥逆下利脈不至咽嗑不利吐膿血瀉利不止為難治麻黃升麻湯

汗吐下後不解

五六日已發汗復下胸脇滿微結小便不利渴而不嘔但頭汗出往來寒熱心煩為未解柴胡桂薑湯太陽汗吐下解後心下痞鞭噫氣不除者旋覆代赭石湯太陽先發汗不解而復下之脈浮者則知病在外當須解外桂枝湯發汗若下之病仍不解煩躁不得眠茯苓四逆湯大汗若大利而厥者四逆湯下後復發汗晝日煩躁不得眠夜而安靜不嘔不渴無表證脈沉微身無大熱乾薑附子湯下後復發汗必振寒脈微細此內外俱虛也傷寒本寒後復吐下之食入口即吐乾薑黃連黃芩人參湯發汗吐下後虛煩不得眠劇者反覆顛倒心中懊懣梔子豉湯發汗若下之煩熱胸中窒梔子豉湯吐下後不大便五六日至十餘日晡發潮熱不惡寒獨語如見鬼狀循衣摸牀脈弦者生瀉者死但發熱識語者大承氣湯吐下後腹脹滿邪熱入胃也調胃承氣湯太陽

吐下後微煩小便數大便鞭小承氣湯 吐下後七八日不解結熱在裏表裏俱熱時時惡風大渴舌上乾燥煩欲飲水白虎加入參湯 吐下後心下逆滿氣上衝胸頭眩脈沉緊發汗則動經身為振搖茯苓桂枝白朮甘草湯

喘

〔成〕肺主氣形寒飲冷則傷肺故其氣逆而上行衝衝而氣急喘喘而息數張口擡肩搖身滾肚是為喘也有邪在表致氣不利而喘者麻黃湯桂枝加厚朴杏仁湯有水射肺而喘者小青龍湯發汗後飲水多必喘以水灌之亦喘及傷寒心下有水氣乾嘔發熱而欬或喘者小青龍去麻黃加杏仁是欲發散水寒也經曰喘而汗出者與葛根黃芩連湯以利之此邪氣內攻氣逆不利因喘而汗出見其邪氣在裏也雖表未解未可和之汗出而喘者與麻黃甘草石膏湯以發之此外邪壅盛使喘不已見其邪氣在表也雖經汗下亦可發之若傷寒止於邪氣在表而喘者心腹必濡而不堅設或腹滿而喘則又為可下之證經曰短腹氣滿而喘有潮熱者此外欲解可攻裏也又汗出髮潤喘不休者為肺絕身汗如油喘而不休為命絕直視譫語喘滿者死是皆不治之喘也

〔太陽病〕

頭痛發熱身痛腰痛骨節痛惡風無汗而喘麻黃湯 太陽與陽明合病喘而胸滿者不可下麻黃湯

〔許〕

有人病傷寒脈浮而長喘而胸滿身熱頭痛腰脊強鼻乾不得卧予曰太陽陽明合病仲景云中有三證下利

葛根湯不下利嘔逆者加半夏喘而胸滿者麻黃湯也治以麻黃湯得解

傷寒表不解心下有水氣乾嘔發熱而欬或喘者小青龍湯方見太發汗後飲水多必喘以水灌之亦喘喘肺病而喘者欲冷傷肺也以冷水灌洗而喘者形

寒傷肺也

或用小青龍加杏仁諸苓湯

傷寒心下有水氣欬而微喘發熱不渴服湯已渴者此寒去欲解也

小青龍湯

喘家有汗桂枝湯加厚朴杏仁佳太陽病為諸陽主氣風甚氣壅則生喘也

太陽病下之微喘者表未

解故也桂枝加厚朴杏仁湯主之

下後大喘則為裏氣太虛邪氣傳裏正氣將脫也下後微喘則為裏氣上逆邪不能傳裏猶在表也與桂枝湯以解外加厚朴杏仁以下逆氣

桂枝加厚朴杏仁湯方

桂枝 去皮

芍藥

生薑 切各三兩

厚朴 炙去皮

甘草 炙各二兩

杏仁 去皮尖五十枚

大棗 十二枚

七味以水七升煮取三升去滓溫服一升

發汗後不可更行桂枝湯汗出而喘無大熱者可與麻黃杏仁甘草石膏湯主之〔威〕發汗後喘當作桂枝加厚朴

為邪氣壅其桂枝湯不能發散故不可更行桂枝湯汗出而喘有大熱者內熱氣甚也無大熱者表邪甚也與麻黃杏仁甘草石膏湯以散其邪〔張〕予觀仲景常言發汗後乃表邪悉解止餘一證而已故言不可更行桂枝湯

汗出而喘無大熱乃上焦餘邪未解當用麻黃杏仁甘草石膏湯以散之夫桂枝加厚朴杏仁湯乃桂枝湯加杏仁而喘者用之註言汗出而喘以為邪氣壅甚非桂枝湯所能發散此誤也況身無大熱更無證何故復言表邪甚其

後章下後不可更行桂枝湯條下註曰汗下雖殊既不當損正氣則此一其言有至理存下後不可更行桂枝湯若

汗出而喘無大熱者可與麻黃杏仁甘草石膏湯〔成〕此證治同汗下雖殊既不當損正氣則一邪氣所傳既同遂用一

法治之經所謂若發汗若下若吐後是矣

麻黃杏仁甘草石膏湯方

麻黃 四兩

杏仁 五十枚

甘草 炙二兩

石膏 半斤

右四味以水七升先煮麻黃減二升去上

沫納諸藥煮取二升去滓溫服一升

肝苦急急食甘以緩之風氣通於肝風邪外甚故以甘劑發之

太陽病〔和〕桂枝證醫反下之利遂不止脈促者表未解也喘而汗出者葛根黃芩芍藥湯〔方〕

陽明中風〔汗〕口苦咽乾腹滿微喘發熱惡寒脈浮而緊若下之則腹滿小便利難麻黃湯 陽明脈浮無汗而喘

者發汗則愈宜麻黃湯 陽明病〔和〕脈浮而緊咽燥口苦腹滿而喘發熱汗出不惡寒反惡熱身重白虎湯五苓

散 傷寒四五日脈沉而喘滿沉為正裏而反發其汗津液越出大便為難表虛裏實久則譫語〔邪氣入內之時得

具也則當下之反發其汗令津液越出胃中乾燥 陽明病脈遲雖汗出不惡寒者其身必重短氣腹滿而喘有潮

大便秘難久則燥必發譫語也 大承氣湯 熱者此外欲解可攻裏也手足濇然而汗出者此大便秘已鞭也大承氣湯主之 病人小便不利大便乍難乍易時

有微熱喘冒不能卧者有燥屎也宜大承氣湯

診傷寒吐下後不大便潮熱若劇則不識人循衣摸牀微喘直視脉弦者生瀉者死詳續衣濕家下後額汗微

喘大小便利者死論見體痛少陰病息高者死詳見厥利厥冷無脉灸之不還反微喘者死詳見厥利直視譫語喘滿

者死論見體痛脈浮洪汗出如油髮潤喘不休為命絕

附

活陰證喘促者返陰丹主之四肢逆冷喘促入口便佳方見陰毒病人小渴與水劇飲之致停飲心下滿結者喘促

甚眾當以五苓散或陷胸丸主之方見胸

戴喘嗽有陰陽太陽經喘嗽略於前本經言之詳見嗽門少陽有嗽無喘有喘非少陽也其見少陽證而喘者宜

小柴胡湯加北五味子六分乾薑四分陽明有喘無嗽有嗽非正陽明也其陽明證喘有潮熱者宜大承氣湯陰證

喘惟少陰有之若四肢沉重疼痛小便如常大便自利而嗽者真武湯去芍藥加北五味乾薑各半錢細辛三錢此

陰中之陰若四肢厥逆腹中痛泄利下重而欬四逆湯加北五味乾薑各半錢下利嘔渴身煩不得眠而欬嗽者猪

苓湯此陰中之陽諸陰喘促最為危證宜用返陰丹

吳凡表有寒發喘者脈浮緊惡寒身疼無汗也宜麻黃湯汗之若表有風發喘者脈浮緩惡風自汗也宜桂枝湯

加厚朴杏仁主之凡陽明內實不大便腹滿短氣發潮熱而喘者大柴胡加厚朴杏仁湯或小承氣湯凡陰證厥逆

脉沉細而微氣促而喘無汗者宜四逆湯加五味杏仁凡虛人脉伏若手足逆冷而喘者五味子湯凡暴冒風寒脉

浮無汗而喘蘇沈九寶湯凡熱盛有痰脉弦數而喘不可汗不可下以小柴胡湯加知母貝母瓜蒌仁胸滿者加枳

殼桔梗心下滿者加枳實黃連舌燥飲水而喘者加知母石膏主之古人云諸喘為急故非輕也華陀曰感則為喘

蓋非肺氣盛也乃肺中之邪火盛也所以瀉白者瀉肺中之火也非瀉肺也又為瀉心湯乃瀉心下之痞滿者也衛

生實鑑曰凡看文字有餘當認作不足者蓋受病為不足病氣為有餘也

六科雜覽 傷寒

五味子湯方見厥門

蘇沈九寶湯

桑白皮上

甘草下

大腹皮下

官桂下

麻黃中

薄荷下

陳皮上

紫蘇中

杏仁去皮尖炒中

生薑三片

烏梅半個

右用水二鍾煎至八分去滓通口服

加減瀉白散

治煩熱胸膈不利上氣喘促口乾或欬者

桑白皮二錢

知母橘紅

瓜蒌仁去殼

細黃芩

貝母

甘草各一錢五分

地骨皮一錢

右煎服法同前

短氣

〔成〕短氣者氣急而短促似喘而非喘喘則張口擡肩短氣只是氣促不能相續似喘而不擡肩似呻吟而無痛也

有青為實者經曰短氣腹滿而喘有熱潮此有青為虛者經曰跌陽脈微而緊緊則為寒微則為有在表者經曰

但坐以汗出不微故也更發汗則愈與其風濕相搏汗出有在表者經曰乾嘔短氣汗出不惡寒此表解裏未和十

短氣小便不利惡風者甘草附子湯此邪在表而短氣也治各有異大抵短氣為實要略曰短氣不足以息者實也又水停心下亦令短氣要略曰食少

飲多水停心下微者短氣寧者察諸

〔表證〕短氣骨節痛不得屈伸汗出小便不利惡風身腫者為風濕宜甘草附子湯方論見體痛短氣腹滿脇痛其人

若脈弦浮大外不解無汗喘卧身黃小便難有潮熱者小柴胡湯方論見往來寒熱若表解心下痞鞭乾嘔短氣者宜十棗湯方見

〔裏證〕若表未解手足濇然汗出或有潮熱者宜大承氣湯方論見潮熱

〔汗不徹〕短氣煩躁若發汗不徹續微汗出不惡寒表證不能面赤者為併病更發汗則愈論見面赤

見脇滿痛



〔下後〕若下後心中懊憹心中鞭痛者用大陷胸湯論見結胸

〔診〕跌陽脈微而緊緊則為寒微則為虛微緊相搏則為短氣坐而伏者短氣也

附

陶傷寒失於汗下或因汗下後虛令人氣逆不相接續者名短氣分虛實治之此與喘證不相類

吳因汗吐下後元氣虛弱脈來微虛氣不能相接而短少者以人參益氣湯凡陰證脈弱細沉而遲手足逆冷面

上惡寒如刀刮口鼻之氣難以布息而短者宜四逆湯加入參王之又食少飲多水停心下令人氣短煩悶以茯苓

甘草湯治之

身重

〔成〕身重之由有風濕有風寒有風濕俱見有大逆有易病有三陽合病雖所得不一然悉屬三陽非若身疼兼有

三陰裏寒也壞病有矣寒則無之識者鑒焉

〔太陽〕傷寒脈浮緩身不疼但重乍有輕時無少陰證者大青龍湯發之詳太陽病發汗已身猶灼熱名曰風溫脈浮

汗出身重多眠鼻息鼾詳風溫宜治人姜桂湯風溫脈浮身重汗出惡風者宜

防已黃耆湯

防已一兩

甘草半兩

白朮七錢

黃耆去蘆一兩一錢

右咬咀每服五錢生薑四片大棗一枚水一

盞半煎至八分溫服良久再服服後當如蟲行皮中從腰下如水後坐被上又以一被繞腰以下溫令微汗瘥

喘者加麻黃半兩胃中不和者加芍藥三分氣上衝者加桂三分下有沉寒者加細辛三分

脈浮宜以汗解用火灸之邪無從出因火而盛病從腰以下必重而痼名火逆也脈浮數者法當汗出而愈若下

之身重心悸者不可發汗當自汗出以解所以然者尺中脈微此裏虛須表裏實津液自和便自汗出愈傷寒八

六十一

傷寒

五



中醫藥大學圖書館藏

九日下之胸滿煩驚小便不利讖語一身盡重不可轉側者柴胡加龍骨牡蠣湯主之方見驚風病有身重不能外也身重不能轉側者風濕相搏於經而裏無邪也經曰傷寒八九日風濕相搏身重體煩而不能自轉側不嘔不渴脈浮虛而濡者以桂枝附子湯主之此以柴胡加龍骨牡蠣湯主之以上二證言不能轉側頗相似論病與重俱不相侔各從本法為宜也

陽明病脈遲汗出不惡寒身重短三腹滿而喘或潮熱或不潮熱承氣湯證詳腹滿陽明病脈浮緊口苦咽燥腹

滿而喘發熱汗出不惡寒身重忌汗忌燒鍼忌下詳有汗註云此證宜和解之

三陽合病腹滿身重難以轉側口不仁而面垢讖語遺尿發汗則讖語下之則額上生汗手足逆冷若有汗出者

白虎湯主之成腹滿身重難以轉側口不仁讖語者陽明也針經曰少陽病甚則面微塵此面垢者少陽也遺尿者下之攻裏表熱乘虛內陷必額上汗出手足逆冷其自汗出者三陽合病為表裏有邪若發汗攻表則燥熱益甚必愈讖語若下之內經曰熱則腠理開榮衛通汗大泄與白虎湯以解內外之熱

少陰病腹痛小便不利四肢沉重痠痛下利者真武湯

中陽發熱惡寒身重而痛手足逆冷小有勞身即熱小便已洒洒然毛聳其脈弦細口開前板齒燥此為太

陽中陽忌汗下溫鍼宜白虎加人參湯詳暑病

陰陽易身重少氣少腹裏急或引陰中熱上胸衝眼花者此為陰陽易宜燒視湯方論見陰陽易

難轉側

三陽合病腹滿身重難轉側汗出者白虎湯論見身重下後胸滿煩驚小便不利讖語身重不可轉側者柴胡牡蠣湯

論見風濕相搏身體煩疼不能自轉側不嘔不渴脈浮虛而濡者桂枝附子湯論詳身重

面赤面垢面青眼赤

太陽病面反有熱色二陽併病面色緣緣正赤陽明面合赤色是皆表邪必發散解肌而愈少陽目赤和解而安少

陰面赤色厥陰面少赤帶陽二日必四逆而後可也面赤雖由陽熱而生然各經俱無可下之證在少陰厥陰者正

此方為讀書需要

證有下利厥逆脈微實為陰寒之病縱面赤似陽只是兼化而已

太陽病如瘧狀若脈微惡寒面反有熱色而身癢者桂枝麻黃各半湯小汗之方論見脈浮而遲面熱赤而微

惕者六七日當汗出而解反發熱者遲遲為無陽不能作汗其身必癢也

二陽併病太陽初得病時發其汗汗先出不微因轉屬陽明續自微汗出不惡寒若太陽證不罷者不可下之下

之為逆如此可小發汗設面色緣緣正赤者陽氣怫鬱在表當解之薰之若發汗不出出不足或陽氣怫鬱不得越

當汗不汗其人躁煩不知痛處乍在腹中乍在四肢按之不可得其人短氣但坐以汗出不微故也更發汗則愈何

以知汗出不微以脈澀故知也因發不透徹而面赤躁煩短氣者不足言陽**陽明**病面合赤色不可攻當發少陰

病下利清穀裏寒外熱手足厥逆脈微欲絕身反不惡寒其人面赤色或腹痛或乾嘔或咽痛或利止脈不出者通

脈四逆湯加蔥白詳下厥陰下利清穀脈沈而遲其人面少赤身有微熱者必鬱冒汗出而解病人必微厥所

以然者其面戴陽下虛故也詳下面赤而身熱足寒而口噤及背反張者瘕病也詳離病面赤而斑斑如錦紋

咽喉痛唾膿血者陽毒也詳陽

面垢三陽合病腹滿身重難轉側口不仁讞語面垢遺尿不可汗下

面青太陽病汗後遂發熱惡寒復加燒針因胸痞面青膚潤者難治色微黃身足溫者易愈

目赤少陽中風兩耳無聞目赤胸滿而煩者不可吐下小柴胡湯

附

面黃孫兆口訣云工部郎中鄭厚忠患傷寒胸腹滿面黃如金色諸翰林醫官商議略不定推讓曰胸滿可下恐

脈浮虛召孫至曰諸公雖疑不用下藥鄭之福也下之必死某有一二服藥服之必瘥遂下小陷胸湯尋利其病

遂良愈明日面色改白京師人稱服

壞病

仲 太陽病三日已發汗若吐若下若溫針仍不解者此為壞病桂枝不定與也觀其脈證知犯何逆隨證治之

按逆者謂不當汗而汗不當下而下或汗下過甚皆不順於理故云逆也隨證治之者如後云汗後病不解及發汗若下之病仍不解某湯主之之類是也隨證治之一句語活而義廣王韓諸家以壞病另作一證而以羊肉湯主之誤矣

本 太陽病不解轉入少陽者胸下鞭滿乾嘔不能食往來寒熱尚未吐下脈沈緊者與小柴胡湯若以吐下發汗溫針讖語柴胡證罷此為壞病知犯何逆以法治之

趙 仲景論中所謂壞病者以太陽病誤汗吐下後虛煩結胸痞氣吐後內煩腹脹滿等證是也此正謂桂枝不定與小柴胡湯證罷者曷嘗指異氣之病如活人所謂異氣為壞病之說仲景又云更感異氣變為他病者即索矩所為二氣三氣雜合為病是也以其未可定名而非有名四種溫病之比故以變病名之且四經溫病仲景以為冬傷於寒至春發為溫病溫病未已重遇於邪變為溫瘧風溫溫毒溫疫病未嘗壞故以變證名之一曰壞病一曰變證名目自是不同可見異氣不為壞病也審矣假如溫瘧果為壞病則仲景不言小柴胡湯證罷也請三思焉

是齋方 傷寒陰陽二證不明或投藥錯悞致患人困重垂死七日以後皆可服傳者云于不失一用好人參一兩去蘆薄切水一大升於銀石器內煎至一盞以新水沈之取冷一服而盡汗不自他出只在鼻梁尖上涓涓如水是其應也妙其蘇軾光云侍郎方丈嘗以救數十人王使君室清流日停車申屠行父之子婦產後病時疫一十餘日已成壞病偶見問因觀其只服人參一味遂安是時未知有此方偶然暗合耳

海 陽證大汗大下後亡陽於外亡血於內上而津脫下而液脫津液兩亡宜以羊肉湯補之剋陰證者豈可不溫

補哉此與傷寒太陽證振搖與真武湯一例外之陽病至此尚溫況內之陰候豈得不補耶

韓產脫血虛者宜用羊肉湯傷寒汗下太過亡陽失血若只用救逆效必遲矣與羊肉湯為效神速病人面色雖見陽是客熱上焦中下二焦陰氣已盛若調得下焦有陽則上焦陽氣下降丹田知所歸宿矣夫氣有高下病有近遠證有中外治有輕重各適其所乃愈故病八九日汗下太過二脈沈細無力多踈足卧惡聽人聲皮有粟時戰如瘧宜羊肉湯主之

羊肉湯方

當歸 白芍藥 牡蠣煨赤各一兩 生薑 二兩 桂枝 七錢 龍骨煨通赤半兩 黑附子炮去皮四錢

右為麤末每服一兩羊肉四兩葱白五寸生薑心同剉爛以水五升熬減一半以來濾絞去滓分三服服之

此方陰證宜之

覽甲散 治傷寒八九日不瘥諸藥不效名壞傷寒

覽甲鱗炙為末 升麻 前胡 烏梅肉 枳實 犀角 鎔 黃芩 二兩 甘草 二錢

生地黃 一兩 每服五錢水一盞半煎至八分去滓服 按此方陽證宜之

振戰慄

成振者聳動也戰者戰搖也慄者心戰也振輕而戰重也戰外而慄內也振者責其虛寒虛則不至於爭故止於振聳且戰者為正與邪爭爭則股慄而戰矣戰雖重於振而慄重於戰也戰者正氣勝慄者邪氣勝也皆邪正之相

爭也

太陽傷寒若吐若下後心下逆滿氣上衝胸起則頭眩脈沉緊發汗則動經身為振振搖者茯苓桂枝白朮甘草

湯主之 **成**吐下後裏虛氣上逆者心下逆滿氣上衝胸表虛陽不足起則頭眩脈浮緊為邪在表當發汗脈沉緊為邪在裏則不可發汗則外動經絡損傷陽氣陽氣外虛則不能主持諸脈身為振振搖也與此湯以發汗

和經
益陽

茯苓桂枝白朮甘草湯方

桂枝去皮

茯苓四兩

白朮

甘草各二兩炙

右四味以水六升煮取三升去滓分溫三服

陽不足者補之

以甘茯苓白朮生津液而益陽也裏氣逆者散之以辛桂枝甘草行陽散氣

太陽病發汗汗出不解其人仍發熱心下悸頭眩身瞤動振振欲擗地真武湯主之方見下利

孫太乙宮道士周德真患傷寒發汗出多驚悸目眩身戰掉欲倒地眾醫有欲發汗者有作風治者有用冷藥解

者病皆不除召孫至曰太陽經病得汗早欲解不解者因太陽經欲解復作汗腎氣不足汗不來所以心悸目眩

身轉遂作真武湯服之三服微汗自出遂解蓋真武湯附子白朮和且腎氣腎氣得行故汗得來也若但責太陽

者惟能乾涸血液爾仲景云尺脈不足榮氣不足不可以汗以此知腎氣怯則難得汗也明矣許學士云鄉里有

一姓高者子年三十初得病身微汗脈弱惡風醫以麻黃藥與之汗遂不止發熱心多驚悸夜不得眠讞語不識

人筋惕肉瞤振振動搖醫又進鎮心藥予曰強汗之過也仲景曰脈微汗出惡風不可服青龍湯服之則筋惕肉

瞤此為逆也惟真武湯可救進此三服佐以清心竹葉湯數日遂愈清心竹葉湯方未考

下後復發汗必振寒脈細微所以然者以內外俱虛故也亡血家不可發汗發汗則寒慄而振 太陽病大慄其

背大汗出火熱入胃發讞語十餘日振慄自下利者此為解也詳諸語 太陽病脈陰陽俱停等證

脈沈緊按之芤當戰而汗出解脈芤為虛是以發戰脈浮為在表故當汗出解也論見首卷 太陽病脈陰陽俱停等證

必戰慄汗出而解論見發熱 凡柴胡證下之苟下之而仍不能者後與柴胡湯必蒸蒸而振發熱汗出而解論見往來寒熱

脈浮而遲面熱赤而戰惕者當汗出解也反發熱者脈遲不能作汗其身必瘡論見面赤 諸乘寒者則為厥鬱冒不仁

口急不能言戰而慄也陰中於邪必內慄也表氣微虛裏氣不守故邪中於陰也

〔章〕六一後單者更投逆湯微瀉與羊肉湯再投而戰解若陰氣內盛正氣太虛心慄鼓領身不戰者遂成寒逆
宜灸之或用大建中湯仲景治尸厥戰而慄者刺期門巨關

〔吳〕凡振者大抵氣血俱氣不能榮養筋骨故為之振搖而不能主持也須大補氣血則可予曾用人參養榮湯
得效又一人身搖不得眠者以十味溫膽湯倍加人參遂愈內經曰寒之傷人使人毫毛畢直鼓領戰慄而無汗
按此表寒而戰慄也經言病有戰而汗出因得解其脈浮而緊按之反孔此為本虛故當戰而汗出也又曰脈陰
陽俱停以三部浮沉遲數脈同等必先振慄汗出而解若脈浮數按之不孔其人本不虛者則汗出而解不發戰
也若不發戰而心慄者此陰中於邪必內慄也凡正氣怯弱寒邪在內必為慄也學者宜詳究焉
加味人參養榮湯 治發汗過多氣血俱虛而筋惕肉瞤或身振搖者

人參二錢半

茯苓

甘草

川芎各一錢

白朮

麥門冬去心

當歸身各一錢半

五味子十五粒

肉桂一錢有熱者減半

生地黃一錢半有熱者用此無汗用熟地黃

黃耆二錢半有汗者用二錢

生薑三片

棗子二枚

水二鍾煎至一鍾去滓溫服如陰虛相火動者加知母黃芩各一錢酒炒用若

陽虛下寒脈微者加熟附子一錢肉桂倍之不得祇加遠志酸棗仁各一錢

加味溫膽湯 治虛煩身振不得眠

人參二錢半

橘紅

茯苓

黃連酒炒

軟菖蒲胡

當歸身

川芎

白芍藥

生地黃

酸棗仁以上各一錢

半夏七分

甘草五分

竹茹一圓

生薑三片

石煎服法前同

竹葉清心湯 火熱入心燥煩振慄

淡竹葉二十片

黃芩一錢

梔子一錢半

甘草五分

川黃連五分

薄荷一錢

六科集電

卷五

傷寒



連翹一錢

石膏八分 水二鍾煎

筋惕肉瞤

成經云陽氣者精則養神柔則養筋發汗津液枯少陽氣大虛肌肉失養故惕惕而跳瞤瞤然而動也宜宜溫經益陽真武之類是矣又傷寒吐下後復發汗筋脈動惕者久而成痿及太陽病發汗復下之表裏俱虛復加燒針因膚瞤者難治二者逆之甚也又非若但發汗後可以發汗吐下庸可忍諸

太陽病脈微弱汗出惡風者不可服大青龍湯服之則厥逆筋惕肉瞤宜真武湯 太陽病已汗不解仍發熱頭

眩身瞤振振欲擗地者真武湯或以人參養榮湯治之傷寒吐下後復發汗虛煩脈甚微八九日心下痞脇下痛氣上衝

咽喉眩冒經脈動惕者久而成痿真武湯桂枝湯

陽明傷寒吐下後不解不大便五六日至十餘日日晡所發潮熱不惡寒獨語如見鬼狀循衣摸牀惕而不安喘

微直視脈弦者生澀者死但發熱譫語者大承氣湯 陽明脈浮而緊咽燥口苦腹滿而喘發熱汗出不惡寒反惡

熱身重若加燒針必怵惕躁煩不得眠 若動氣在左頭汗不止者活人用防風白朮牡蠣次服建中湯

診汗下吐溫鍼後若膚瞤動胸煩面色青黃者難治論見

活傷寒吐下後發汗脈微心下痞脇痛氣上衝筋脈動惕此為逆甚

吳夫此證者因發汗攻表太過邪熱未解血氣虛奪肌肉失養所致或不因此由素稟血少邪熱搏於血脈之

中火性動惕故也曾治一人傷寒不經發汗七八日筋脈動惕潮熱來尤甚其肉不瞤大便秘結不行小便赤澀

以手按臍旁鞭痛此有燥屎也以加味大柴胡湯下之而愈又一八傷寒十餘日曾三四次發汗過多遂變肉瞤

身振搖筋脈動惕此汗多氣血俱虛故也以加味人參養榮湯二劑而愈又一八汗後虛煩不得眠筋惕肉瞤內

有熱以加味溫膽湯治之而愈凡治此證要察虛實也